



UNIVERSITÄTS-
BIBLIOTHEK
PADERBORN

Summæ Theologicæ Scholasticæ Et Moralis

In Quatuor Partes Distributæ

In qua de Incarnatione Verbi & Mysteriis vitæ Christi, nec non de
Sacramentis in genere & singulis in specie succinctè & dilucidè tractatur

Herincx, Wilhelm

Antverpiae, 1675

Qu. V. Pro quibus hoc Sacrificium sit offerendum.

[urn:nbn:de:hbz:466:1-72963](#)

cie, in altari per alios, seu (ut loquitur Trident. *spr.*) Sacerdotum ministerio, & non aliena specie offertur, sic tamen ut ipsa quæ per alios fit oblatio, sit moraliter actio ipsius Christi, prout in veteri Testamento locutio Angeli Deum representantis censetur locutio ipsius Dei, in cuius persona Angelus dicebat: *Ego sum Deus Abraham &c.* sicut nunc Sacerdos in persona Christi ait, *Hoc est corpus meum.* Nec aliud voluit *sicutus quodlib.* 20. n. 23. dicens, Christum non immediate hic offerre Sacrificium, quia quod Christus non offerat immediate per se quotidiana Sacrificia eo modo, quo fecit in ultima cena, & quo id faciunt quotidie Sacerdotes.

48.

Hac ratione Christus est Sacerdos in eternum secundum ordinem Melchisedech.

49.
Sacerdotes sunt ministri propriæ, eti secundum ordinem, sacrificantes.

50.
Fideles reliqui offerunt Sacris, ium aliquo modo,

Qui docta- riantur.

Et hoc modo etiam patet, qualiter Christus verè sit Sacerdos in eternum secundum ordinem Melchisedech: quia usque in finem mundi per suos vicarios & ministros juxta illum ordinem offert Sacrificium. Patet etiam, qualiter illud non polluatur malitiâ ministrorum: ed quod hiantum præstent ministerium offerendo in persona alterius, quæ Patri æternæ displiceat non potest.

DICO II. Sacerdotes legitimè ordinati offerunt propriè & per se hoc Sacrificium. Et certum est. Et patet ex forma Ordinationis, in qua Sacerdotibus datur potestas offerendi Sacrificium pro vivis & pro defunctis. Item ex Tridentino *Jeff. 22. cap. 2. & can. 2. & Jeff. 23. c. 1.* Deinde hanc potestatem non esse aliis fidelibus communem, sed Sacerdotibus particularem, eamque perpetuam, docet idem Tridentinum *sup. cap. 4. & can. 4.* Hinc Sacerdos non est merum instrumentum seu merus executor, sed verus sacrificans, eti tamquam vicarius & publicus minister Christi; ideoque debet procedere ex certa intentione, ut non sufficiat præterita Christi voluntas seu intentio, nisi in præsenti Sacerdos ipse intendat offerre & sacrificare. Prout è contrâ datio eleemosynæ per famulum, veluti merum Executorem & instrumentum, non pendet ab humus intentione, libertate &c.

DICO III. Fideles non Sacerdotes possunt aliquo modo dici offerre hoc Sacrificium. Patet ex variis partibus Canonis Missæ. Nam ante consecrationem post Memento, dicit Sacerdos: *Et omnium circumstantium, pro quibus tibi offerimus, vel qui tibi offerunt.* Item: *Hanc igitur oblationem servitus nostra, sed cum familia tua.* Idem patet ex Leone *Ep. 81. c. 2.* Modus autem ille, quo offerunt, consistit in eo, quod aliqualiter ad Sacrificium concurrant, petendo illud pro se offerri, ministrando, eidem assistendo, & affectu se conjungendo Sacerdoti, qui est primarius Sacrificii minister.

QUESTIO V.

Pro quibus hoc Sacrificium se offerendum?

DICO I. Potest hoc Sacrificium offerri, tum pro vivis, tum pro defunctis. Ita definit Tridentinum *Jeff. 22. c. 2. & can. 3.* Deinde in ipsa ordinatione Sacerdotum traditur eis potestas offerendi Sacrificium pro vivis & pro defunctis. Quod etiam exprimitur in Ordinario Missæ, & antiquis Liturgiis. Idem patet ex plurimis Patroni auctoritatibus, quas Nonnulli congerunt. Nobis paucæ sufficiat *Augustinus Eucherius cap. 110.* Neque (inquit) negligendum est, defunctorum animas pietate suorum viventium relevare, cum pro illis Sacrificium Mediatoris offeratur, ut elemosyna in Ecclesia fiant &c. Idem docet alibi *sepiissime.* Immo oppositam doctrinam inter errores Aërii recentet, tum ipse, tum *Epiphanius & Damascenus.* Eundemque ritum ab Apostolis manasse asserit *Chrysostomus Hom. 69. ad populum Antioch.* Et *Homil. 3. in Epist. ad Philippienses.* Denique (inquit) *Cyrillus Euerofolymitanus Catech. Mylag. 5.* pro omnibus oramus, qui inter nos vitæ functi sunt, maximum esse credentes animarum juvamen, pro quibus offeratur obsecratio sancti illius & tremendi, quod in altari positum est, Sacrificii.

Immo etiam in antiqua Synagoga offerabantur Sacrificia pro defunctis, ut patet *Machab. 12.* Ratio est: quia per alieni suffragia possumus juvare tum vivos tum defunctos: ergo maxime id poterimus per acceptabile altaris Sacrificium.

Quod tamen attinet ad defunctos, non potest Sacrificium offerri pro damnatis, ut Patres & Doctores communiter supponunt, & decisum est c. *Pro obuentibus 3. & c. 2. & c. Placuit 23. quæst. 5.* idque ob irremissibilem corum damnationem. Quare hiis solis potest offerri, qui in statu gravi decesserunt nondum plenè purgati: hi enim sunt capaces fructus Sacrificii, feliciter transmissionis pecuniarum temporalium. De quibus proinde hoc expressè tradit Tridentinum *Jeff. 22. cap. 2. & Jeff. 25. in Decreto de purgatorio, ubi ait, animas in purgatorio detentas, delium suffragatis, potissimum veritate acceptabiliter Sacrificio juvari.*

Hinc etiam pro Beatis non potest propriè offerri Sacrificium: neque enim possumus pro eis satisfacere, aut aliquid indigeant impetrare, aut eorum gloriam apud Deum orationibus augere. Sicut nec possumus pro eis orare, *Quia (ut ait Iosephus III. c. Cum Martie de celebrat. Milleum) Sancti orationibus nostris non indigent.* B. injuriam facit Martyri, qui orat pro Marti. Quamvis aliquo modò minus propriè potest pro illis Sacrificium offerri, videat

Ques^t. V. Pro quibus hoc Sacrificium sit offerendum. 341

in gratiarum actionem pro gloria illis à Deo collata, vel in eorum honorem, sive ut ad hoc proficit, quod magis ac magis hie vel ille sanctus ad deos glorificetur in celis, ut loquitur Innocentius III. iuxta explicans in particulari orationem, quae in Missa B. Leonis dicitur solebat: *Annie nobis, quesumus Domine, ut anima sanctitati Leonis haec proficit oblatione.* Eodem modo intelligendum est, quod in Liturgia S. Chrysostomi dicitur Sacrificium offerri pro Patriarchis, Prophetis, Apóstolis, &c. præcipue pro sanctissima, immaculata, & per omnes benedicta Deiparā, id est, in honorē corum. Unde mox subditur: *Verbum tuum est glorificare te Deiparā, penitus invictaminatam, seu (ut Alii transferunt) ab omni noxa exemptam.* Et paulo post dicit Sacerdos celebrari memoriam omnium Sanctorum, Quorū (inquit) supplicationis respice sen protege nos Deus. Deinde subsequitur oratio pro fidelibus, tum defun-
dit, tum vivis. Unde ideā Chrysostomus Homil. 21. in Acta: Quid (inquit) putas pro Martiis offerri, quod vocantur in illa hora: li-
us Martini sunt, etiam pro Martiis magnus honor nominari Domino presente, dum mors illa perficitur & horrendum Sacrificium ē.

Obiter hie adverte, quod sicut templa & altaria soli Deo dedicantur, etiā frequenter in honorem & invocationem Sanctorum, qui appellantur eorumdem Patroni, sic etiam Sacrificium offerri soli Deo; utpote soli supremo omnium Domini, & soli debetur supremus praesertim latria cultus, cuiusmodi est Sacrificium. Ex quaenam (ut loquitur Trid. 22. 1.3.) in honorem & memoriam Sanctorum nonnullas interdum Missas Ecclesia celebrare conuenit; non tamen illis Sacrificium offerri docet, sed Deo soli, quod illos coronavit: unde nec Sacerdos dicere solet: Offero tibi Sacrificium Petre vel Paule; sed Deo de illorum victorii gratias agens, eorum patrocinia imploras; ut ipsi pro nobis intercedere dignentur in celis, quorum memoriam facimus in terra.

DICO II. Pro non baptizatis, sive vivis, sive defunctis, potest offerri Sacrificium, ut profitit per modum impetracionis: non tamen juxta plerosque Doctores, ut profitit per modum satisfactionis ex opere operato, seu quoad fructum principalem: etiā oppositum non fit improbable. Prima pars est Suarez, Bellarmini, Coniglio, Lugo, & passim aliorum, contra Vasquez. Probatur ex c. 2. de Presbytero non baptizato, ubi Innocentius III. iubet, ut preces & hostiae offerantur pro Presbytero non baptizato, qui in fide Christiana erat defunctus. Et Ambrosius in Oratione de obitu Valentiniiani, qui obierat Catechumenus, hortatur, ut pro anima ejus Sacrificia offerantur. Insuper in antiquo Ordinario Romano habetur Missa peculiaris pro Catechumenis baptizandis; ubi aperie officiebatur Sacrificium pro ipsis Catechu-

menis. Quæ saltē persuadent posse Sacrificium pro illis offerri per modum impetracionis. Adde Judeos olim sacrificare solitos pro gentilibus, ut patet ex 1. Esdras 6. & 2. Machab. 12. Idem testatur Josephus I. 2. de bello Iudaico c. 17. Unde Tertullianus (cujus tempore Imperatores erant Ethnici) lib. ad Scapulam ait: *Sacrificamus pro salute Imperatoris.* Ratio est: quia si pro non baptizatis lecat orare, & divina beneficia impetrare; cur non sacrificare? quod est efficacissimum orationis genus ad impetrandum rogata.

Potiori ratione potest illis applicari satisfactionis correspondens actionibus Sacrificii, quatenus sunt opus proprium Sacerdotis, sicut potest illis applicari satisfactionis actionibus bonorum operum. Similiter possunt eis prodesse orationes, quas Sacerdos in Missa profert nomine Ecclesiae tamquam publicus illius minister: nullibi enim Ecclesia hoc irritavit vel prohibuit; à cuius alioquin intentione id pendet. Ipsa equidem Ecclesia Romana non ordinat positivè, ut in suffragiis publicis oretur nominatim & directè pro non baptizatis, præterquam in die sancto Parasceves: etiā nec positivè eos excludat, vetando, ne iis suffragia communia applicentur.

Secunda pars est communis contra Nonnullos. Ratio est, quod Baptismus sit ja- Non tamen nua Ecclesiae: quare sicut Sacra- menta non profundit iis, qui Ecclesiam per Baptismum non sunt ingressi, sic nec Sacrificium: quod (uti ipsa Sacra- menta) Christus reliquit ad utilitatem fidelium, seu (ut loquitur receptans Trid. 22. cap. 1.) dilecta Sponsa sua Ecclesiae sententiam. Allegatur etiam auctoritas Chrysostomi Homil. 3. in Epist. ad Philipp. prope finem, ubi de defunctis Catechumenis ait: Catechumenos vero neque isto solario, Sacrifici nempe, dignatur, sed omni huiusmodi delitatu: sunt auxilio, uno tempore, elemosynarum scilicet, unde illis nonnulli refugierii accedit. Et Concilium Braccaense I. cap. 17. alias 35. statuit, ut Catechumeni sine redemptione Baptismi defunctis simili modo neque oblationis commemoratio, neque psallendi impenitentia officium: nam & hoc per ignorantiam uirgatum est. Adserit etiam Augustinus lib. 1. de Anima & eius origine cap. 9. Accedit quod Catechumeni non sint capaces indulgentiarum, quarum thesaurus à Christo relictus est dispensandus fidelibus, juxta Clementem VI. Extrav. Vnigenitus de Panit, & remissi.

Tertia pars, quod scilicet oppositum non fit improbable, suadetur: tum quia au- Et si oppo- toritates Ambroſii & Innocentii allegatae tum non sit num 55. absolute & simpliciter loquuntur, nec est ratio limitandi ad effectum secundarium & fallibilem: tum quia Sa- crificium incruentum imitatur cruentum, quod etiam non baptizatis profuit: tum quia satisfactiones proprias possumus Ca-

thecumenis applicare, cur ergo non satisfactions Christi per Sacrificium?

Ratio præcedentis opinionis difficitur.

Ad rationem prioris opinionis facile respondeatur, non esse per omnia eodem modo discurrendum de Sacramentis & Sacrificio: sed quoad hoc, quod à solis baptizatis possint Sacraenta suscipi, & Sacrificio offerri: cum alioquin constet Sacrificia posse offerri pro animabus defunctorum, quæ tamen non possunt suscipere Sacraenta.

Dicit quidem Tridentinum suprà Sacrificium esse relictum Ecclesiæ: sed id inteligi potest hoc sensu, ut in ea offeratur, vel ut principaliter pro ea, & per ejus ministros fructus dispensetur; non tamen sic ut nequeat dilacerari extraneis, alias neque prodebet quoad fructum Imperatorium. Sicut parens relinquit filio thesaurum, præcipue in ipsis utilitatem, cum potestate tamen etiam extraneis distribuendi.

Et Chrysostomus.
Chrysostomi auctoritas etiam aliis est solvenda; cum omne prorsus Sacrificii auxilium negare videatur, adeoque etiam imperatorum. Videtur autem tunc, saltem in Ecclesia Chrysostomi, non fuisse usus publice & nominatum in Missa orandi pro Catechumenis defunctis, nequidem in Collectis aut Memento, quod consecratione peracta fit pro defunctis fidelibus etiam in Liturgia Chrysostomi, tam à Sacerdote quam populo (quamvis in ea nominatum oretur pro Catechumenis vivis ante Missam Fidelium) stante siquidem universo populo manus in calum extende, cætu item sacerdotali, verendisque postea Sacrificio, quomodo Deum non placemus pro ipsis orantes? ut praemittit Chrysostomus suprà.

Ad Concilium Provinciale Braccarense dici potest, agi in eo de Catechumenis defunctis in malo statu, qui peccaverant per gravem negligentiam Baptismi. Quare etiam vetat pro iis orari sine iis impendi psallendi officium, dicitque hoc per ignorantiam usurpatum. Et simili modo loquitur cap. præced. de homicidis sui, & punitis propter scelera. Deinde posset explicari, quod Missam & sepulturam Ecclesiasticam cum ceremoniis consuetis non velit per speciale statutum Cathecumenis adhiberi, prout etiam inde arcentur excommunicati, eti in gratia mortui. *Augustinus* denique loco citato aperte loquitur de parvulis decedentibus in originali.

Ad simile delumptum ab indulgentiis, dici potest in primis, quod plures existiment, & probable dicat Suarez Tom. 4. disp. 53. sect. 4. etiam Catechumenis posse concedi indulgentias per modum suffragii. Deinde possent ipsi etiam comprehendendi nomine Fidelium: aut esto quod non, addi posset, thesaurum indulgentiarum dici quidem relictum dispendandum Fidelibus præcipue, non tamen omnino

necessariò solis; cum etiam propria satisfactiones possent Catechumenis applicari. Quod si denum omnino quis contendat in Extrat. *Vnigenitus*, & esse feruoram de Fidelibus baptizatis, & iis attribui fructum indulgetuarum cum exclusione ceterorum; adhuc non sequeretur idem de Sacrificio incruento, à Sacrificio crucis sola offerendi ratione diverso: utpote de quo scilicet non constaret, quod si institutum cum tali restrictione, utique non asservanda, nisi constet.

Dico III. Pro Excommunicatis quodam sensu potest offerri Missæ Sacrificium, quodam non. Conclusio declaratur. Nam sacerdos in Missa repræsentat partim personam Christi tanquam principialis offerentis, cuius nomine & auctoritate applicat fructum principalem ipsius Sacrificii: partim se habet tanquam publicus minister & legatus Ecclesiæ: partim denique se habet tanquam privata persona; ut & circumstantes. Itaque tamquam persona privata potest secretè in Missa pro excommunicatis, etiam non toleratis, orare, v.g. in Memento; aut preces, quæ in Missa dicuntur, quatenus sunt opus meritorium ipsius sacerdotis, & (inquit Averroë qna. 11. sec. 10. s. Decimo tandem) siuum privatum Sacrificii fructum illis applicare: deinceps potest alias orationes & suffragia privata pro eis facere: quia Ecclesia tantum prohibuit publica suffragia & orationes, quæ sunt nomine Ecclesiæ, sumi solet ex c. *A nobis* 28. & c. *Sacris* 38. de Sent. Excommuni. Quatenus vero est minister publicus Ecclesiæ, certò non potest pro excommunicatis non toleratis offerre Sacrificium & publica suffragia: quia id Ecclesia prohibet; immo absolutè non habet omnium pro talibus orandi, ut proinde talis oratio nullum haberet effectum nomine Ecclesiæ.

Denique nomine & in persona Christi potest quidem validè applicare fratrum Sacrificium; immo certum est Ecclesiæ non posse applicationem invalidare effectus enim Sacrificii, ut & Secretorum, non pendent quoad valorem ex intentione Ecclesiæ, neque possunt impediri, si inde non resultet obex in subjecto impediens effectum ex institutione Christi. Quare si excommunicatus non toleratus sit aliquoq. capax, v.g. quia est in gratia, obtinet etiam fructum satisfactorium. Communiter tamen supponitur vel assertur, illicite saltem fructum nomine Christi applicari excommunicatis non toleratis ex prohibitione Ecclesiæ. Quod mihi difficile appetet: eo quod Ecclesiæ prohibitio sic videretur ferri dictæ in actum mere internum, in intentionem scilicet applicandi fructum Sacrificii: nam Sacrificium ipsum quidem non

Item Concilium Braccarense.

60. Respondetur ad simile de indulgen- tia.

prohibet, sed solùm prohibet offerri pro tali; quod nihil aliud est, quām prohibere, ne Sacerdos habeat interius intentionem pœnitentiam, quæ ad substantiam aut valorem ipsius Sacrificii non spectat. Unde Arriaga disp. 32. sect. 4. num. 2. & 13. censet esse probabilius, hoc non esse illū.

Potest nihilominus pro excommunicatis etiam non toleratis indirectè offerri Sacrificium & oratio publica Ecclesiæ; puita pro dilatatione fidei, pro extirpatione heresim &c. sic enim directè & per se oratur pro ipsa Ecclesia. Et hæc ratione juxta quosdam ipsa Ecclesia nominatum orat, & ab antiquo, dum omnes excommunicati essent non tolerati, oravit in die sancto Parasceves pro Hæreticis & Schismatycis. Sed non video, cur dici nequeat cum Suarez d. 9. de Censuris sect. 2. num. 1. id fieri ab Ecclesia etiam directè pro illis in communi (quod sine gravi peccato non posset aliis diebus in Missa seu Officio publico fieri) Sacerdote, et si alioquin posset privatim ex propria devotione istam orationem usurpare, juxta Suarez supr.) scilicet per quamdam exceptionem a sua legge ob hoc, quod isto die sit Christus mortuus pro omnibus, etiam excommunicatis.

Dixi pro Excommunicatis non toleratis; nam post Concilium Constantiense seu Extr. ad evitandum, probabilius licet offertur pro toleratis Sacrificium Missæ tam nomine Ecclesiæ, quām nomine Christi; ut & alia suffragia publica. Nam post dictam Extravagantem tolerati non sunt amplius vitandi, sed possunt eis communicare Fideles in quibuscumque, etiam divinis, adeoque in suffragiis publicis: quantumvis inde ex consequenti & indirectè redundet favor in ipsis excommunicatis.

Quod autem Alii dicant, ibi non esse communicationē, parum urget: est enim communicatio seu communione antea inhibita, quæ usu Ecclesiæ sic vocatur; et si, pro quo orationes publice funduntur, absens. Unde orationes aperte supponuntur c. A nobis suprā citato participare nomine communicationis, ut insipienti contextum patet. Deinde tolerati admittuntur ad ecclesiasticam sepulturam, prout etiam Alii fatentur: hæc autem non sit sine publicis suffragiis Ecclesiæ. Insuper admittuntur ad recitandum & cantandum officium, etiam in choro, in quo tamen conciens pro excommunicatorat, dum dicit: Misereatur tui omnipotens Deus &c. Ut etiam Sacerdos talem adhibens in diaconum in Missa solemniter pro eo orat dicens: Dominus sit in corde tuo & in labiis tuis, n. &c. Quare ita docet Navarrus, Sa. Henriquez, Comnick, Lugo, & alii passim contra Suarez supr. 2. 17. & seqq. Vasquez, & alios.

Q U E S T I O N E VI.

Quos Effectus habeat Sacrificium Missæ?

SUPPONO Sacrificium Missæ non solum esse latreuticum sive holocaustum, ^{65?} quatenus totum offertur in cultum aut honorem Dei: aut Eucharisticum hostiam, ^{Sacrificium Missæ est Latreuticum, Eucha-} risticum & propitiatorium, ^{rium, comp}letens omnes differentias, ^{nes diffe-} rentias, ^{le-} galium Sacrif-^{ciorum}

factorium, quatenus offertur pro remissione & satisfactione peccatorum, sive culparum & poenarum: ac denique impetratorium, & eatenus sursum esse hostiam pacificam, quatenus scilicet celebratur pro beneficiis acquirendis. Quāvis enim hæ rationes sint diversæ, non tamen oppositæ: adeoque possunt simul concurrere in eodem hoc Sacrificio, quod omnes veterum hostiarum differentias continet, & in efficacia longè antecellit. Unde id contra Sectarios docet traditio Ecclesiæ & Liturgiarum, ac sensus veterum Patrum; nec non definit Trident. 22. can. 3. his verbis: Si quis dixerit Missæ Sacrificium tantum esse laudis & gratiarum actionis; aut nondam commemorationem Sacrificii in cruce peracti: non autem propitiatorium: vel sibi prodeesse sument, neque pro vivis & defunctis, pro peccatis, penitentia, satisfactionibus, & aliis necessitatibus offerri debere: ^{apostolica sit.} Quam doctrinam latius explicat ibidem c. 2. Idque habet Missæ Sacrificium non tantum ex opere operantis (hoc enim commune est omnibus bonis operibus), cuiusmodi indubie est Sacrificium: quod proinde est meritorum, impetratorum, & satisfactorum, modo & conditionibus, quibus alia bona opera, praesertim oratio) verum etiam id habet ex institutione sua, independenter à bonitate & devotione ministri, adeoque ex opere operato, quatenus scilicet est opus ipsius Christi, nominis illius ac juxta institutionem ejusdem factū. Et hoc insinuat Tridentum sup. c. 1. dicens: Hæ illa munda oblatio est, quæ nullam indignitatem aut malitiam offerentium inquinari potest.

DICO I. Sacrificium Missæ valet ad ^{66.} peccatorum remissionem & justificationem peccatoris. Patet ex Liturgiis, ^{Vnde valet ad remissio-} tribus, & Tridentino sup. c. 2. dicente: Hic rum & ju- ^{nem peccato-} jus, quippe oblatione placatus Dominus gratiam & satisfactionem & donum penitentie concedens, criminis ac peccatoris, peccata, etiam ingentia dimittit. Intellige, Non immensis mediatis auxiliis gratiae & dono pœnitentia, sed mediatis; ut verba manifeste insinuant, & auxilio ad habet certa ac communissima Theologorum peniten- rum doctrina contra paucos, qui existidum, marunt